



UNIVERSITÄTS-  
BIBLIOTHEK  
PADERBORN

# **Vitæ Pontificum Romanorum**

Ex Antiquis Monumentis Collectae

**Sandini, Antonio**

**Bambergae, 1753**

CCXX. Hadrianus. VI. Anno Christi 1522. Caroli V. Romanorum Regis. 4.

---

[urn:nbn:de:hbz:466:1-65477](https://nbn-resolving.org/urn:nbn:de:hbz:466:1-65477)

Idem Ciaconius in vita Joannis Card. Fischerii in Paulo III. tom. 3. pag. 576. Omitto hic recensere volumen De septem Sacramentis contra Lutherum scriptum, quod sub Regis nomine prodit: incertumque est, cujusnam sit, Roffensisne, an Regis ipsius Henrici, cum multi Roffensem ejus operis si non auctorem, certe adiutorem fuisse autument.

CCXX.

## HADRIANUS. VI.

ANNO CHRISTI 1522.

CAROLI V. ROMANORUM  
REGIS. 4.

**H**ADRIANUS VI. Batavus Trajecti tenui loco natus, cum & vitæ sanctimoniâ & doctrinâ unus omnium maximè floreret, summo Rayn. an. 1522. §. 1  
consensu, absens licet & in Hispania 4. 8. 11.  
degens, Cardinalium plerisque ne de 17. 65.  
facie quidem notus, anno 1522. V. 75. 100  
Idus Januar. in Pontificale fastigium Spond.  
provectus est. (1) Romam perve- §. 1, 2, 13  
nit III. Kal. Septembr. maritimo iti-  
nere, coronatus die Dominico pri-  
die Kal. mensis ejusdem, haud magnâ  
populi

populi frequentia ob pestilentiam, quæ Urbem vexabat. Retentopriore nomine *Hadrianum VI.* se appellari voluit. Hic Carolum V. cuius fuerat præceptor, & Franciscum I. Gallia Regem reducere in concordiam studuit. Ludovico Hungarorum Regi suppetias tulit adversus Turcas. Vetuit reos excipi Cardinalium ædibus. Lutherana hæresis extinguendæ operam dedit, missa eam ob rem Francisco *Cheregato* Vicentino Fabriani Episcopo cum mandatis ad conventum Norimbergensem: datisque ad Federicum Saxonia Ducem litteris suasit, ut avita pietatis memor Martinum Lutherum desereret; & ad Fidem Orthodoxam rediret. Idem Sacerdotes ex familia S. Francisci legavit in Novum Orbem, qui rudes & barbaras gentes sacrosanctis mysteriis imbuerent. Antoninum Antistitem Florentinorum, ac Bennonem Misnensium Episcopum aggregavit in Sanctorum numerum. Sigismundum Malatestam Arimino expulit. Franciscum Cardinalem Soderinum convictum proditionis

Rayn. an.  
1523.

§.95.108

109.112.

114.

Spond.

§. 4. 7.

20. 21.

nis inclusit in custodiam arcis Hadrianae. Quam verò in Sacerdotiis & Ecclesiasticis dignitatibus conferendis cautus fuerit ac religiosus, ostendit illa sæpissimè ab eo usurpata vox: *Ecclesias Sacerdotibus, non Sacerdotes Ecclesiis se ornare velle.* Suis minimè deditus, cum Romam spe celsioris fortunæ venissent, modico viatico donatos remisit in Patriam. Nepotem etiam castigavit acerbissimè, quòd cum accepisset *Sacerdotium annui census septuaginta Ducalium aureorum,* paulò post aliud, ex quo centena redibant, petere ausus esset. Tandem urgentibus assiduè aulicorum obtestationibus, Sacerdotium in eum contulit, ità tamen, ut priore se abdicaret. Jus legendi ac nominandi Episcopos à Leone X. Gallorum Regibus datum etiam ad Hispaniarum Reges extendit. (2) Hujus tempore ab Suleimanno capta Rhodus. (3) Decessit XVIII. Kal. Octobr. anno 1523. cum annum unum, menses octo, ac dies sex Ecclesiam administrasset. *Conditus est temporario monumento in æde D. Petri juxta Pios Piccolomineæ familie*

M m m

Pon-

*Pontifices cum hoc titulo: Hadrianus VI hic situs est, qui nihil sibi infelicius in vita duxit, quàm quòd imperaret. (4)*

ANNOTATIONES.

(1) Spondanus ad an. 1522. §. 2. *Alterius nationis, quàm Batave fuisse Hadrianum, nemini unquam in mentem venit; quousque Matthias Bellintanus Capuccinus Salodiensis diœcesis Brixienfis in Italia, anno 1586. brevi editâ historiâ, ut est apud Victorellum in Ad-dit ad Ciaconium, persuadere voluit, Hadrianum natum esse in pago Renszano Salodiensis agri patre Joanne Bono, at-que in baptismo Ludovicum dictum, cum in Belgium adolescentulus commigrasset, in Hadrianum commutasse: ac propterea factum Pontificem noluisse amplius nomen mutare, quòd id jam semel præstitisset. Addit alia plura ejusdem acuminis de pa-tre, familia, insignibus, & educatione: quæ omnia commentitia esse puto. Sane si id fuisset, poterat Hadrianus uno verbo iis satisfacere, qui querebantur, Ponti-ficatum ad Ultramontanos esse delatum. An verò honorificentius ei fuit Batavum esse, quàm Italum? aut illum dicemus patriam,*

patriam, & nomen, & familiam emen-  
tari voluisse, ut mundo illuderet? Apage  
commentum.

Ludovicus Vincentius Gotti Tom. 1.  
*Verae Ecclesie* cap. 11. §. 1. num 6. ad-  
versarium objicientem sibi, quòd Hadria-  
nus VI. in 4. Sent. *De confirmatione* sub fi-  
nem scripserit: *Plures Romani Pontifices*  
*fuerunt heretici*, ita refellit, eam opinio-  
nem habuisse Hadrianum, antequam Pon-  
tifex fieret, cum esset Theologus Lovani-  
ensis: quòd si ejus Opera, verbis illis haud  
exploris, rursus impressa typis sunt eodem  
gerente Pontificatum, non inde sequi, ut  
opinionem illam ratam habuerit factus  
Pontifex. Quoties enim Opus aliquod no-  
vis typis excuditur auctore insciente? Vide  
Bellarminum *De Rom. Pont.* lib. 4. cap. 2.  
& Canum lib. 6. cap. 1.

(2) Joannes Mariana *De rebus Hispaniæ*  
lib. 26. cap. 5. *Hadrianus VI. in gratiam*  
*Caroli alumni, cui debebat Pontificatum,*  
*ei & successoribus concessit lege perpetua*  
*jus presentandi Episcopos Hispaniæ, qui*  
*antè ad eorum supplicationem precario à*  
*Pontificibus Romanis instituebantur.*

Covarruvias in *Regul. Possessor malæ fidei*  
part. 2. §. 10. num. 5. tom. 2. pag. 405. di-  
cit, jus presentandi Episcopos pertinere ad  
Reges Hispaniæ non solum ex vi privilegii,  
sed etiam Juris patronatus: *siquidem Hi-*

Mmm 2 *spania-*

*Spaniarum Reges Patronatus jus obtinent in Ecclesiis Cathedralibus, cum eas erexerint, construxerint, & amplis patrimoniis dotaverint.*

(3) Insula in Carpathio mari subjecta Equitibus Hierosolymitanis seu Hospitalariis Xenodochii S. Joannis Baptistæ apud Hierosolymam, qui unâ cum Christianis anno 1291. Palæstinâ ejecti, eam anno 1310. Turcis eripuerant. Indè anno 1522. à Suleimanno pulsus Carolus V. anno 1530. Melitam concessit, à qua Equites *Melitenfes* nunc appellantur. Mira est hujus Ordinis virtus adversus Turcas, & piratas,

(4) Jovius in vita Hadriani VI. pag. 149. Pallavicinus lib. 2. Hist. Conc. Trid. cap. 9. eundem Hadrianum VI. dicit fuisse *Sacerdotem optimum, Pontificem re ipsâ mediocrem.* Sed contrâ Launojus, quod mirère, lib. 4. extrema epist. 7. tum eos reprehendit, qui mediocrem fuisse asserunt, tum colere se & venerari profitetur, *ut prioris ævi Pontificem, ut qui lapsos curialium mores erigere studuit, ut qui contra cupidos & avaros Antistites patrimonia pauperum vindicare voluit, & consanguineos egenorum sumptibus locupletare noluit, ut qui sacros canones non sine urgenti & necessaria causa relaxare instituit, & Ecclesiam ad eorundem canonum institutum regendam suscepit.*